

e vulnere vero sanguis effluit; jacetque supra terram firmissime: ita fane prostratus in pulvere jacebam, mortuo plane similis, muro innixis capite & humero, vestibus & facie cruore foede inquinatis; uti dixerunt ii qui me viribus deficientem tunc viderunt; ego vero nihil scio quippe percussibus nimis afflictus; qui praesentes semimortuum me sustulerunt, lectoque imposuerunt, ad mediam usque noctem insanientem. Tumor autem subito tempore humeroque dextro & pectore sinistro visu terribilis exoriebatur, acerbus, coloreque nigerrimus, tam fane gravis erat, tum equi violentia, tum durissimi muri percussio.

§. 2. Quando autem circa me occupabantur vulnera gravia medentes, fasciisque circumligabant, atque medicamenta mitia infundebant, repente tumor me corripiebat graviter affligens, qui me & triduo ante, pridianus autem magis me vexabat; perniciosus, qui me prope ad orci portas admovit: febris enim continua me invasit exitialis, molestaque, quae communis incolas multos invadebat, quam Hippocrates semitertianam olim appellavit, quae semper diebus canicularibus molesta est miseris mortalibus, perduratque ad Arciurum continue, ad dies autumnales.

Hujus